



NOTIS MAKLUMAN

TATACARA PENGELUARAN INVOIS DAN PENGIKRARAN PENYATA SST-02 BAGI PENGECUALIAN CUKAI PERKHIDMATAN SEBANYAK 2% ATAS KADAR CUKAI PERKHIDMATAN SEWAAN ATAU PAJAKAN

- 1) Merujuk kepada butiran (8) Dasar Cukai Perkhidmatan Bil.2/2025 (Pindaan No.3) bertarikh 23 Januari 2026, pengecualian cukai perkhidmatan sebanyak 2% atas kadar cukai perkhidmatan sewaan atau pajakan diberikan melalui kuasa Menteri Kewangan di bawah seksyen 34(3)(a) Akta Cukai Perkhidmatan 2018 berkuat kuasa 1 Januari 2026 sehingga pindaan ke atas perundangan subsidiari diwartakan.
- 2) Bagi mekanisme pengeluaran invois, penyedia perkhidmatan sewaan atau pajakan hendaklah menyatakan pengecualian sebanyak 2% daripada kadar cukai perkhidmatan 8% ke atas nilai perkhidmatan sewaan atau pajakan yang disediakan selaras dengan peruntukan di bawah peraturan 10 (1A), Peraturan-Peraturan Cukai Perkhidmatan 2018. Penyedia perkhidmatan **hanya dibenarkan memilih salah satu daripada kaedah** berikut:

Kaedah 1:

Perkhidmatan sewaan	:RM1,000
Cukai perkhidmatan 8%	:RM80
Pengecualian 2%	:(RM20)
<u>Jumlah perlu dibayar</u>	<u>:RM1,060</u>

Kaedah 2:

Perkhidmatan sewaan	:RM1,000
Cukai perkhidmatan 6%	:RM60
<u>Jumlah perlu dibayar</u>	<u>:RM1,060</u>

Nota: Pengecualian 2% cukai perkhidmatan (kadar cukai) dengan nilai RM20

- 3) Bagi tujuan pengikraran dalam penyata SST-02, penyedia perkhidmatan hendaklah mengikrarkan cukai perkhidmatan ke atas nilai perkhidmatan sewaan pada kadar cukai 6%. Seterusnya, butiran nilai perkhidmatan yang dikecualikan hendaklah dinyatakan dan diisi di ruangan 18(c)(3) dalam penyata SST-02.

Contoh pengikraran penyata SST-02 adalah seperti berikut:

BIL	RUANGAN	MAKLUMAT NILAI (RM)	NOTA
1.	(10) – Nilai Perkhidmatan Bercukai	1,000.00	Nilai perkhidmatan sewaan yang disediakan.
2.	(11)(c) – Jumlah nilai jualan dan cukai yang kena dibayar mengikut kadar cukai (Perkhidmatan bercukai berkadar 6%)	1,000.00	Pilih cukai perkhidmatan pada kadar 6%
3.	18(c)(3) – Nilai Perkhidmatan Bercukai yang dikecualikan (lain-lain perkhidmatan)	1,000.00	Pengecualian kadar cukai 2% daripada nilai perkhidmatan sewaan yang disediakan.

Nota:

Nilai perkhidmatan yang dikecualikan dan perlu diikrar adalah sama dengan nilai perkhidmatan sewaan yang tertakluk kepada cukai sewaan.

**BAHAGIAN CUKAI DALAM NEGERI IBU PEJABAT
JABATAN KASTAM DIRAJA MALAYSIA**

27 Januari 2026